

## Ess Stadtfest iss erum

Ess Stadtfest iss erum unn ess iss e schee Fest gewese. Unn nitt nor dess was „uff de Gass“ los war, naa, aach die onnern Verostaldunge hawwe sisch seh unn heern losse kenne.

Awwer grad dess uff de Gass: Besonnere schee war, dasses sisch in de Altstadt abgepilld hott. Dess geheerd sisch oofach, dass su Feste in unserne alde Strooße unn uff unserne alde Plätz abgehalle werrn. Unn wenn merr geseh hott, was uff dem Axthelm-Gelände, uff dem Norma-Parkplatz los war, doo kann merr sisch vorstelle, dass aach nooch dem Bebaue von dere Geeschend, wenn merr nitt nor Heiser druff stelle, naa, aach greeßere Fläche iwwerisch losse dut, dass aach dort Feste gefeiert werrn kenne. Donn hawwe merr zwaa Festplätz, de onnere iss onn de Galluskersch.

Ess dut awwer jetz Zeit werrn, dass merr ferr dess Gelände mol enn Nome sucht unn aach finnt. Weesche der Kapell dort habb isch joo mol den Nome „Marienplatz“ vorgeschlaache, awwer egal wie, ferrs nächsde Fest sollt merr wisse, wie der Platz unn die Gässjer drumerum haaße dun.

Isch glaab, omm Somsdaach hawwe aach vill Leit ess ersde Mol gemerkt, wie weit unn wie ruff unn enunner de Weesch vunn drauße hinner de Bohn nooch drinne vor de Bohn geworn iss, wenn merr laafe muss unn nitt mettem Audo fährt. Grad diejenische, die enn Stegge odder e Gehmaschin, enn Rollator, brauche, misse dort nämlich ferr enn Urlaub in de Berrsche trainiern, ob se doohie wolle odder nitt.

Die Verostaldunge in de Festwoch hawwe su ebbes Besonneres gehabbd, de Fotowettbewerb mett werklich scheene Bilder vunn Flerschem unn die Ausstellung unne im Mootorm mett Bilder vunn 1953. Ferr die Owende mettem FAT, mettem Prof. Thomas iwwer die Stadtentwicklung unn ferr die Gesprächsrund mett Flerschemer Leit, die ebbes vunn frieher verzähle konnte, hädd merr sisch e paar mehr Gäst gewinschd, awwer die oo odder onner vunn su ooner Verostaldung solls joo noch effderr gewewe, monsches muss sisch ersdemol erumbabele.

Wer soi Erinnerung odder aach soi Wisse um die Zeit vunn de Stadterhebung unn die bis heit vergangene John uffrische will, der kann in dess Buch „1953 – Flörsheim im Aufbruch“ gugge, was extra ferr dess Fest gemacht worrn iss unn kann aach gugge in den Sonderdruck vumm Flerschemer Blättche „60 Jahre Flörsheim“. Dess sinn Bilder unn Dokumente, die merr immer widder emol brauche dut, wenn merr iwwer die ahle Zeide babbele will. Aach iwwer dess was sisch geännerd hott kann merr noochlese. Unn grad mir Äldere sollde dess Buch unn die Zeidung unserne Kinner schenke, dass die aach widder emol druffgestumbd werrn, wie sisch die Zeide geännerd hawwe. Donn kenne se aach driwwer noochdenke, dass dess alles nitt vunn alloons kumme iss, naa, dass vill gude Leit in de Stadtverwaltung unn im Volk johrelong doo mettgeschaffd hawwe.

Omm End will isch emol Donkeschee saache onn die Menseche vunn de Stadt unn vumm Kuldurort, die ferr su e gruß Fest vill geschaffd hawwe. Wenn aach der oone odder aach die onnere vunn dene nitt in Flerschem wohne: Uffem Weesch, gude Flerschemer ze werrn, sinnse allemol.

Eiern Honnes